

方泉诗集

周文璞

文硕阁

wenshuoge.com

目录

关于我们	3
提要	5
方泉诗集卷一	6
方泉诗集卷二	8
方泉诗集卷三	18
方泉诗集卷四	27

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案方泉诗集四卷宋周文璞撰文璞字晋仙号方泉又号山楹阳谷人与姜夔葛天民韩淲诸人同时集凡赋一卷诗三卷张端义贵耳集极称其灌口二郎歌听欧阳琴行金铜塔歌以为不减贺白然文璞古体长篇微病頽唐不出当时门径端义拟以青莲昌谷未免不伦至于古体短章近体小诗固可肩随于白石无怀涧泉诸集之间宜其迭相唱和也端义所称灌口二郎歌集无此题惟四卷之首有瞿塘神君歌观其词意殆即所谓灌口二郎歌以名不雅驯改题欵乾隆四十六年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

方泉诗集卷一

宋 周文璞 撰

钟山赋

陟古阜兮透迟望古乡兮徘徊日忽忽兮欲下捺予心兮诉哀昔王气之初发有神人之称孤逮温雒之弗竞亦中兴于此都乃因融结以作镇倚崔嵬而在东指牛首以立阙背龙盘而作宫后季嗣兴规模屹隆张皇帝图咨谋国工陰阳既调清寧亦同司马岌嶮而引前太极穹窿而当中华林桂鼓璇室歌钟轟丹楹兮暨暨森翠氛兮融融殿簿苑记密如鱼鳞中纳元气仰规大辰将欲寘毳裘于九夷负黼展于万春掇提纪厯卷舒效珍回皇风于太初散灵雨于无垠及乎分代易姓灭没变迁厚祸隱毒实生其间紫髯鼎来黄须载奔索蜜口苦辞鸩涕潸近奋身而倒戈亦反袂而张弩则见天衣画章意貌孔武太白连蜷出渡江渚丽色登梯明云镜空怆旧艷新遄归闕宫列事着帙夸战负劔阁像未尘街首将变饮血击贼举烽烛夷戎鼓愔愔樛车累累受诏下令烧香讽诗妖祥昏淫废兴乖离传之到今文字峻峭音节凄悲虽衽席之上岩石之下可听可咏而不可思矣有如斯山则偃蹇干霄隱天蔽日虽涉世兮毋害蓋与时而出入哀园楸兮江枫旋灰飞兮雨泣杀祿纏郭晨暗夜明防子伤内老夫填阬匹马羣死淫羊衡行岂曰作镇而能忘情凡今齐民肯复记忆但能聯絡相命趣具酒食上萧斋而膜拜抚漫碑而口喷吉祝于蒋侯之庙遐眺于周顒之宅野芳敷蔕山嘯嗅臈 归兴兮亡尽界兴衰于戯剧嗟夫系绪悠遠条流烦贸若锡嘏于肥水兮亦尝并力以扶球彼大勲之未集兮自贤庸之弗防縁义类以隲词兮庶兹山之可吊

方泉赋

惟山居之嵌防兮有泉出而方洼弥岁年而沃渌兮虽苦寒而萌芽蓋随区以赋形兮非浚土之所加吾初以道为泽兮以溥博而为家既自抱于洁清兮又含咀乎英华贊商易而非僭兮效坤輿而非夸摩大蛤非神奇兮出矩玉非矜夸虽使女盗冠而窺兮仆夫汲而盈车泉岂以为贪兮方岂蹈而为邪将引竹以种树兮放为池而沤麻顺脉络而袭水土兮则又岂退虎豹而进龙蛇噫吾命濡滯于此丘兮又何敢怨怼而舛差

燃犀赋

智者鉴物贵于察微后来不察其智几希智以神为用神以智为友岂无其无而有其有庖牺女媧登 防蛇风气既开渊流亡涯故巢居僭于仲舒表柱烬于张华若太眞之事吾尝以告诸徒矣博物者曰怪怪好奇者曰轻轻尽性者曰浑浑穷理者曰 防如此则温子将不得为哲人子持赋于牛渚两山之间老松古木倚而和之则庶防乎敬听

投金瀨赋

世之所谓英雄豪杰之伦常多罹于困阨方伍胥之遭忧兮寄防命于一食就婵娟以诉哀兮乃鞠躬而进宫何众人之未然兮遽见奇于女子女既饷胥又自咎兮沉厥躯而弗顾胥东行而入吴兮承君命而伐楚考钟鼓以假道兮复过歷乎故处不见结褵正襟击絮兮莎苇披靡乎极浦山空水暝无他人兮老姬嗥呼乎后土谄诸人既弗义兮质诸鬼兮无所捐美镒于瀨中兮固取信于来者凛魂气其安之兮为慈母而下取庶几用此以全其老兮又足慰乎地下惟战国之既衰兮士方贱乎犬彘弄人命以为宠荣兮虽妻子犹弗忌怅圣贤之不逢兮流遗恨于后世伟淑灵之好修兮视死生于一试故皇极之未建兮曰蹈道而则未闻闾笄珥而至此兮诚贤者之所喟吴既霸而胥称忠兮伊若人之所遗后千歲之悠悠兮有遗庙于故垒并邑改而经画失兮桑柘鬱其薿薿屏兰茝其弗歆兮矧昏淫与諂祭钦高风弗可企而将坠兮又秉节而不翩重曰投金于渊明胥志兮女曰未能怵悦填兮缅想高风不见此兮

石麟赋

吁嗟麟兮尔所守者陈帝之墓风飒飒兮鸣松草霏霏兮 露在昔鳧钟振金龙輶载素域户肇开灵旂径御侍女荐玉而长号侍臣抱弓而回顾凄声竟天怨毒凝雾旦而视之惟尔麟兮高而不屈曲而弗踞哀而不伤怨而不怒叶象制于图篆谨工程于尺度千歲而往若朝与莫陵栢秃而翁仲逃野棠发而狐兔度伟趾角之岿然独巍巍其如故惟紫防之舒光絕巨笔于尼父父为尔而洒泣盖自悼其弗遇予有感于斯文乃斐然而称赋乱曰噫人之生具五常其聪明者君而王顷刻之隔或圣狂雕题凿齿方混茫天张义旗自晋阳蚩豹冠带戕衣裳昭哉上帝开此祥千秋万歲立道傍吁嗟麟兮庸何伤

黄连香赋

余披五岳之图礼三茅之神莎服笋冠步行涧瀕有老人者手持奇薰飏于崑谷乃赋以文句曲之天华阳之山黑武苍蝮各持篱藩爰有药树流膏满身味苦气厚献于丘园有道所享不肖所僣世上齐民业流湾澗罔知纪极孰能遮拦尔惟昧昏能反其元当焚当燔上闻九關尔惟飞翺尔魂狙猿速往逐臭母启我垣網緼轮囷化为明烟素皇防尊实鉴我言欲尽其防祇以赘烦余方肃而听俯而拾仰而不见但见石壁

方泉诗集卷二

宋 周文璞 撰

皋桥

伯鸾出京师慷慨歌五噫岂无济时心升降与我违有来适吴中春梁掇寒饥吴人臯伯通舍之慰穷栖方志虽或除此桥犹可稽伯鸾号逸民佳传昭緑绋伯通赖有此庶几与之齐至今阊门外两冢陪要离累累各高大冥冥春草萋古者贤哲人不计鳳与鸡焜燿亦偶尔埋没何凄兮出语贺两公亦以昌吾诗

尧章金铜佛塔歌

白石招我入书斋使我速礼金涂塔我疑此塔非世有白石云是钱王禁中物上作如来舍身相饥鹰饿虎纷相向拈起灵山受记时龙天帝释应惆怅形模逺自流沙至铸出今回更精致钱王纳土归京师流落多在西湖寺钱王本是英雄人白莲花现国主身蛇乡虎落狗脚朕何如红袍玉 称功臣天封拆开即退听两浙不闻笳鼓竞归来佛子作防持太师尚父尚书令一枚传到白石生生今但有能诗声同袍秦外铉师兄哦诗礼塔作佛事同吃地炉山芋羹何曾薰陆绮床供但见相轮铜緑明哦诗礼塔犹未毕芦叶低飞山雨湿

初至长干寺

云杪荧荧一塔灯觉皇舍利寶烟凝山门推上三更月似照前朝礼拜僧

回次秣陵

我行古井邑北风吹倒人旗店语簇簇石路声磷磷下车得少憇亭午听司晨岂但田杭香更觉村醪醇怀哉厌王气契濶母重陈旧为秣陵尉今为钟山神

哦松夏夜

雅颂声流到楚词更无人见独防时池头五粒初摇动却替幽人说旧时

鷓鴣

夜闻春雨来浓緑净于洗有禽自南翥自呼不得已岂非湘川下或自江左起黄陵见哀妃白下感游子仍多忧其兄宛转深树里汝兄今何在荆棘日靡靡岂非囚空山或已投逝水年深桎梏化波冷皮肉死鷓鴣谨弗痛此系造物理吾若破析言汝恨入骨髓风吹慈竹林苔晕上深紫吾亦念故乡日夜梦邻里不如各归休阙月照西鄙

懷何月湖

星星鬢髮卧林丘
詔使東川作郡侯
髯叟望公來海峽
瘴兵迎守去夔州
珍圖想挂茅齋壁
巧石應隨竹艇流
教得巴童歌舞好
侍郎千萬却歸休

瀨上懷古【有孟正曜祠堂】

古寺閼岑鬱空梁
懸齋魚神坐既欹
仄德容亦飢虛
先生貧有命山僧
樂無余
長安滿市花正
馬吟九衢
寥寥北邙山而
誰噫荒墟
豈有先生者
不如山僧欬
盲風振苔華
重露落芙蓉
何當醉尉
歸方坐釣水隅

瀨上貞女祠

估客征夫上野橋
錦襦玉璫亦蕭條
人間多少乘除事
到了英雄恨不消

銅雀研

君王有遺令
婢子守空防
遙望西陵下
燈照鴛杯玉顏闕
釵澤松柏生悲哀
低吟短歌行
想像奸雄才
清泉沈金彩
古烟凝紫灰
零落故瓦在
雕鏤若陶坯
為人作書研
銅章出詼諧
上下千載間
流转何悠哉
那知墟中人
天命不復來
齊昏亦披猖
增三筑崔嵬
年年漳河頭
野棠如雪開

丘庆余畫兔

家住栖賢云泉石
恣幽討寫出明視
孫眉目增媚好
卯日行踳踳
衣褐坐芳草
脫身文字禍
見几恨不早
仰候月盈縮
脩眉几回掃
迷離望靈藥
青松為三倒
山人書姓名
欲使好事考

夜坐讀書

此生無耽嗜
獨具愛書癖
旁搜固未暇
乍見亦畧識
塵土苦見污
更苦官事逼
紙燈既自剪
竹牖仍仆紕
山邑少文獻
有亦何自覓
隨行五升甌
一歲無滴沥
向來長安市
閱之嘗竟夕
惘然夢里去
莽莽雲雨側
哦此謂寒螿
夜漏三十刻

春雪

崇禧仙館似官居
二月寒風峭有余
傲吏吟哦空峭下
野童放散夜堂初
熒熒宿火煨村酒
煜煜殘燈鏡道書
勿听打聲更急快
移銀砾上枯株

鶴廟

櫻桃花覆地古廟自青春
帳里還丹使山中采藥人
風林嘯黑虎云路列斑麟
欲見神君面連朝禮北辰

玉晨口占

風鳴長史朝天柏草防仙翁
瘞劍莖瑞象殿前亡馬迹
養龍池上有鼃鳴

華道士白胭脂

蕭史水銀粉番女紅藍花
狂奴愛風調脂澤遂成家
鏡開青峽月衣近赤城霞
欲下人間世櫺林栖晚鷗

杜鵑花

雲樹重重和淚吟
故宮遺廟有知音
秦吳萬里皆芳草
染到山花恨最深

新柳

長條導幽情淨色穿戶牖
酸風醞如醋少待濃似酒
貼貼金絲垂滿眼遮老丑

王道士庵

出家才二十小筑契初心
水浸籬根冷苔封井臼
深狹啼天慘慘犬吠月陰陰
又踞藜牀坐焚香鼓內琴

南華陽洞

稽首游名山駕言入華陽
南洞極秘怪松草泉水香
曲几妙一畫殘碣刊靈章
俛首試一闕冷風襲綃裳
守庵敬愛客暖我紫術湯
遺我鵝眼錢云是洞所藏
往有尋幽徒入見黃金墻
侈心或已起防受竒鬼戕
身儼獲防遇敢恨飛蓬霜
更丐一片土小筑安閑房
朝披神芝圖暮試飢飯方

金牛洞

竟下危梯俯俎入深穴
回身避雲霧偃面眎日月
藥苗防鎔筴竹節截防辟
安知幽蹊下有此大竒
絕金牛鎔光景仙牒尚
可閱岡頭春已半枸杞
如防血便恐顛風興橫
吹石崖裂

山行行歌十首

受篆坛前云更长春风漠漠杏花香峯廻路转无人处恰见天书字数行
竦竦雕珉万万层云头晃晃现觚棱野人自爱深幽景只是寻常不见僧
道院中间沐髮容施来元自賛皇公君能百拜香烟下不怕丹琼路不通
虫蛀黄连彻夜焚秦謡楚诵少人闻近前欲问新宫信鹤 灵芝入暮云
带浅人家隠树深嫩晴天色弄云陰好风嫋嫋穿林去吹散松花似鬱金
遨游自是不思归花气蒸衣气力微抛弃文书亡俗累岭猿吟后闭山扉
天风稳送步虚声杂和漫山桧栢鸣遠望山腰多白石细看知是野人行
中峯道士藥珠丹曾与神仙玉炼颜见説醉来烧隠诀药炉萧瑟卧空山
紫阳道院古丹青恨渠犹画化胡经晚香灭没人归后自有天风撼玉铃
砌穴萧森隔土桥项梁城颂最萧条羽衣歌此招防 直送旛旗上九霄

壬戌春日

自从忧患长精神兀坐斋房过了春
菡落盞干官烛暗擣菹齿亂旅囊贫
皇天老眼非尘世白日闲愁自替身
一段风光好如画未须全与路行人

至荆公墓【二首】

一丈荒坟上悠悠落日斜子孙来祭后
守墓扫松花守法曾丞相能文陆左丞
风流如未泯应作寺中僧

又【二首】

年少坐谈 钟山直北邊春风吹梦过
泪浥旧貂蝉野老从余话文公在半山
蹇驴追不及落日寺深關

出白下

南朝禁籞夕阳明犹与游人作队行
烟满天渊池上路菜花黄尽綠陰成

游栖霞四首

破晓逗苦雾客鼻何酸辛山中气候异初日如烛银田间石兽多知是肉角麟古苔半皴腹化作苍鳞两柱既岌业众碑亦嶙峋幽涂得奇观未敢辞埃尘连年抱离忧百嗟亡一呻花委鬓毛晚草夺袍色春愁中书牖失梦里歌钟隲穷愁着文字屡被同行嗔同行不相知而况悠悠人【道中石麟碑柱甚伙】

其二

吾与空门友相扶歷芳甸天机从深妙梵本与贯穿徐驰得幽欣济胜惬孤愿宿芽发轻苞寒卉抱短艷鹿走风生林僧归云入殿寺从齐梁来诸彦题品遍安知千歳后未叹陵谷变

其三

优尼制铜觉欲住女主龄主称金轮王録在华严经而舍觉富贵爱慕涂椒馨月黯回心院妖防啼防僧人弗知此独受一峰青分减倘及我终歳栖林垆

其四

府帖昨夕下许奉半月急遂作兹山游惘恍忧思失古迹堕榛莽从从失修葺南唐石塔好岿然对人立高碣纏蛟螭画耐风日明旦丹阳路万感当毕集説与石翁婆皆须为余泣

再如金陵

再江东路词穷不复论江泥沾苦泪津鼓聚归防庾信因愁老陶潜为酒存孤踪虽落魄不敢望明恩

道中望茅山有感

危亭对名岳毕景扶钩栏白鹭伺察过低昂若弓弯去歳负笈游最佳元符间栌林带脩竹清流珊珊离留叫昼静洞天生春寒伟哉老宗师作室云雨端竟为杀虫蚁不活升龙鸾遗体但解蛻故宫亦烧残今剏已半旧万柱扶坛遂以两不借一筇履防岨入宅问玉斧采芝投金环墨沼篆结字丹防气成盘将谓便隱遁亦罗间关夷甫尘尾堕荀令香炉闲再拜望奇秀恍然神观还如见大仙伯初发緑映山两君控鹤从俱着汉小冠俗累当复驰煮药鼎欲翻

病起寫懷

夕阳蔽天涯望望不见家牛斗象纬微咄咄空咨嗟此时将细碎説与枝上花

送友人入浙【行至王冀公墓上】

小县登楼上依稀是去年更阑吹短笛
饮散覓归鞦丹叶标寒渡黄花冪野田
重来吊古地为拊石羊肩

辘轳体

野人无事时尝诵极 诗寫遍千山寺吟行九曲溪
谁为补天手同是决云儿欲去无人问今宵醉似泥

金陵懷古六首

孙伯陵头水最悲蒋侯庙下月来迟夜深行客心惊恐猿挂晋朝枫树枝

司马家儿持酒杯天星亦下浇崔嵬当时若便效牛饮定有孟津师旅来

愁防幕府夕阳邊那更鸡笼在目前防扈飞扬只如此登临那得不酸然

杳杳旧踪寻不得茫茫遗恨有谁穷长安败绩谁怜汝防上收声未到公

琵琶未尽使人嗟泪洒华林御苑花今日闻韶无处所鴈烟蛩雨属他家

江水无情碧草春北朝留住老词臣子规啼向青枫树为尔离乡去国人

江南曲

露下五原秋雨打三江愁齐梁才子多埋在青山头

其二

郎与新欢浓侬与旧欢熟懊恼对行人当为歌艷曲

其三

孤館闻啼莺日暮胭脂薄芳醪似泥贱那得不行乐

其四

雨认巫山气江通滟瀾情相逢未多时秋花开古城

吴中秋日

郊原落叶已离离尚有孤花倚短篱小醉不成怜病后苦吟未了說愁时鬪鸡走狗袁丝喜临水登山宋玉悲豆角已收无别事待同野老赴襟期

野蔷薇

娟娟篱头花白白间綠叶明光裁贩袴不掩游子屨余春背人去乞与防芳蝶感我万古心离不相接我行田野间落魄何所挟犹能自撑拄使气学汉侠悠哉芳草畔见此放逐妾罗帷未生梦粉面反成怯幽香薰倒人山麝火初爇长亭或相思如见玉蹀躞

狼山

吾母祷于山生我偃蹇身卅八始入寺所天俱不辰归人复何之所愿清战尘勿复论啣钩去作瑞世珍

乌夜啼

何人弹阮咸故故轻手摘弹作乌夜啼此意我所恻南朝有帝子作牧号侯伯着身疑嫌间生意日偃仄爱妾闻啼声改镇颁竹册故云长安吏性命在顷刻小妇闻啼声赦令敷大泽身虽不肖甚防小着苍帻再转作县佐欲塞父祖责濡墨决疑讼行诛慰冤 羣凶见之怒极意便剗磔首沮 阳桥公议亦已格痛掠及库胥指作盗钱贼胥既僭椎凿手堕面愈黑书欵自诬伏身竟遭刻画酷毒一如斯谁谓彼无防谤书入外台遂坐使者劾牵连入冶城五载穷惨礲礲词叫穹旻哀痛人叵测若无磊落者谁肯为昭白翻思受祸时何但铩羽翮愁冤传里巷泣涕到臧获嫠母偕妻孥惘惘望秋色岂料今日下置酒设豚拍聽此哀丝鸣但呼說不得月明客已去庭宇鸣哑哑世人见慈乌唾笑满阡陌谁知事乘除祸去反为福苍苍上林枝当去作谢客

赠赵子野歌

与君虽为外兄弟语话寻常见肝肺自从不见半年余每望吴云輒流涕苹溪松江同一波半年不见当奈何长安市上相寻处弟能起舞兄能歌兄今赐第南薰殿满戴宫花上林晏弟归便着随游冠他时山中倘相见吴王台畔杨柳黄吴姬对坐调丝簧阿兄自对吴云坐呼弟不来应防肠书来不应寄他物只要秋林一双笛当时蛮奴月下吹此时此夜须相忆

古琴歌

山人袖携古琴来形横拙丑腹破穿上两金字亦残漫自云得自十年前十年前宿野店间野店岑寂无炊烟只将百钱乞翁媪回买湿薪煨涧泉老翁持出一木段刀痕凿痕斧痕满秀才

望见三叹美学琴以后何曾见此是成都雷氏为揩摩雷氏分明现持归修治调曲成曲成他人不肯闻初弹差里可释憾再鼓广陵如雪冤将归古操次第传龙入我舟何可怜

忆昔

忆昔在童初身轻俗累无云霞明道服日月缀仙都屑玉三危露泥金一丈符遨游即闾阖佩带或昆吾学语闾真诰谈校易图竹间时搏拊松下亦携蒔谪堕归崑壑庸凡近仆奴极知方匿景何敢遽抟扶请命书盈纸祈真泪迸珠但能覩帝座不恨守天厨譴巨知难追心安敢自诬相随有芒屨还欲化双鳧

吊尧章

相逢萧寺已累然自咏离骚讲太极目旧游犹白石伤心孤塚只苍烟儿从外舍收残藁客向空山泣防弦帝所修文与张乐魂兮应是到钧天

遣兴

望见山樱媚短岑翻然便悔出家林壞车杀马空嗟晚裂芰焚荷直到今笋蕨认为归去计云烟无复旧来心平生最爱花浓澹看了斜阳看暝陰

夜归

还山迫暮夜枕石啞下眠梦作童子日采花防寒泉回身在人世欲去尘网纏永谢欢乐情把袂入紫烟

送道友归

浮云起足下是子欲归家藏室收芸蠹丹房扫箭砂时闻捣药鸟啼向欵冬花莫使山童去惊飞逐乱鷗

黄龙洞

一从负图与负舟天公閼之居灵湫重瞳胼手人不作苍苔古木两漠漠朝来石磴鳞鳞湿如觉蜿蜒为人出甘霖未苏焦卷多相候吴云莫相失

归憩仁王寺

重到招提未觉迟鉢单初副袷衣时僧房斋院门门闭梅子枇杷树树垂蚁防经幢求托化龙纏佛座学慈悲长年无事闲来此坐对空山讽小诗

下竺

静看唐人刻相连坐石陰鸟啼留客意果熟住山心野水流诗叶天香袭道林云根有桂子应待月中寻

七言

云竺前头即御园小风斜雨入梅天放歌偃蹇如圆泽古貌昂藏若稚川寻得数行天寶字破愁一夜草堂眠此生更要穷经论惆怅高人旧石筵

过葛天民新居

为忆空山雨因嗟短鬓霜幅巾终日仄侍女古时妆乌臼残林外丹砂旧井旁不留禅月画只踞净名床湖镜秋容淡云莊晓露香汲泉须透脉种果便成行使鹤过村店携孥上野航极知秦外叟全似贺知章对佛称居士翻经悟法王自将诗检校犹与竹商量嗟我浑无頼非公不作狂莫移松下石老子要乘凉

十月过鳳山舟回入项王祠用前韵

坠叶浓于染孤花净似霜溪山如有待朱粉 施妆胜境如天上雄鸣自帝旁工陈白玉琯人坐紫金床古兕称春酒灵虬换夕香风筝犹有韵星弁忽分行念此锄榛垒频来渡苇航欲挥终极泪只废苦吟章慨慷辞欢伯英雄忆愤王逝雅嗟弗及撞斗恨难量起舞何劳短行歌未要狂防云将落日千古助哀凉

送蜀客

都市今重到文园更倦遊依依返穷峡得得上归舟往事深能忆沈疴从合瘳行经古祠庙应酹旧山丘梁父遗馨在降戔杀气浮白衣犹肯出黄里不包羞一聽巴人曲多貽汉玺忧花防尘漠漠苑抱水悠悠蠢尔狂童辈俱为灭族囚坤维元自正栈阁未应修管乐谁能并乡云亦可俦时哉着梲机聊以畔牢愁硃戟重开险销沉万累秋堂留石室画歌尚竹枝讴寒蛩催逋客啼鹃识故侯屈沱尝角黍岷岭防牵牛从此多谈防逢谁共劝酬近前持砚削成列抱箠篋近歲安枢相宣威在益州君归如访谒朝论必咨諏列圣方垂统羣公亦好修焚烧已郿坞诛殛尽驩兜虎豹参差束魑魅次第投衣冠通海峽干羽格蛮貊江防何劳服淮田亦粗收旌旆仍使传炮烙任兜鍪 象摧天狗昌期控玉虬嗟嗟几上肉防防幄中筹贡锦资藩辅緘词告帝谋声名与勳烈应逐汉江流

戊辰感事二首

从要和平福须寬次第刑诸公善调壹熙祚必清寧夹道焚香拜今知病酒醒漫劳双鬓白何

止故山青妖纬朝沉彩非烟夜透局愿同臧获列齐寿八千龄

幕府才方盛军师意最高何年燕巢木几处马腾槽驰骋心方壮指麾身更劳周诗歌劳徠费
誓說逋逃行阙占风角穹庐拜羽旄飞腾真有种淡泊正相遭

山居书事

茶防架倒无人架全似老夫狂醉时昨夜一番溪雨横又漂苔蘚到花枝

方泉诗集卷三

宋 周文璞 撰

遊洞霄

天柱青峩峩石笋危不墮晃晃银云收谁子开玉鑰崩騰放閘水煜爚入洞火神鏡偕靈休乃
欲搜碎鑰媿彼朽濁韻一得任无我致彼老铸凝披褐迎路左愿留防银铛被叶盘礴羸玉
付九虎遊晏外窠礮为言子速去勤苦悔坎軻反璞招太和当免劫运祸恸哭出青松殘齡其
或可

题喻玉泉家亦可乐亭

先生亭非伯夷筑亭柱亦用秋山竹但令家有滿架书何慮妻儿少饘粥朝來相对亭上賓洙
泗尺度羲皇人先生已死名不泯常与此亭作標準后来邻觸闕伯怒仆夫預起池魚慮拆亭
拆亭先拆柱有孙抱柱出烟去三十年余复改觀有孙如此不待贊似魯靈光偶获全令人見
此空三叹

病后

風灯露水兩茫然莫为欢华少壯年无病更須求藥物愛闲犹要覓緡錢此生身世擲揄里末
路光陰泣涕前快出囊中飡玉法白云深处日高眠

上冢

蒸魚燂肉当好羞北面百拜如有求愿身长健儿孙茂歲歲此日燒松楸紙錢灰尽泪不尽孤
也虽在犹拘幽沄沄金盖山水相送直过龙湾头

送人归苕溪

憤王祠廟桃花下愁苦看春又隔年今夜白苹風更惡去時須傍采菱船

欧阳琴歌

嗚呼个是文忠琴嗚呼此琴今尚存堂中圖書散失盡留得七弦傳子孫六言自書書在腹古
錦梅花留不得嗣孫賢者能忍貧不向豪家博珠玉初鼓如撼昭陵松巩原流水青溶溶三宗
龍袞在帝左曾把鈞天賜与公再鼓似播清潁水只將漱流肯洗耳曾蘓兩生招不來自寫新
聲付儿子尧囚山舜放野自茲以下不平苦与君所得妇女謗此日一洗清萬古小儒昔誦五
季傳頗訝春秋體微變今來再聽七 琴南薰遺制喜复見浮雲流盡白日逃何用廣陵与离

骚谱成只度欧家曲秋声赋共庐山高【琴有公题】

归姑苏

旧巢已是别人门梅自萧疎柳自昏河北榜来须混俗江东谿就欲招魂吴王未纳耶溪女越相先寻泽国村懷古感今吟不尽一双清泪满醺樽

晨起

闭门不与俗人交 晏春秋日日抄清晓偶然随鹤出野风吹折白樱桃

礪上小饮

方坐爱蠲洁俯窥为回萦汲汲雨露泽悠悠江海情引之灌 圃亦足发光晶陶然未须去于焉潜我名

送道人归华阳

山中无酒禁防防有松醪旋汲泉吹饭多挑笋助庖天灯将出现野月未能高忆我初遊日先将石鼓敲

寄茅山道友三絕

伏事三茅过一生痴心不望羽车迎旧时手种黄龙子今解干云入太清

九锡碑亭日欲曛有人趺坐对炉薰凭谁传语桓司马句曲山中只白云

藥珠宫女傍瑶屏自把韦编问姓名回到人间无一事紫阳花下白鸡鸣

秋日孤山道院

孤山有何好脩竹隱楼居人在秋云杪香凝午醺余芳林多落果灵沼少惊鱼归棹闻歌咏犹如学步虚

寄韩礪泉【漉】

穷冬孤陋只书痴肯为凶荒强忍饥师友渊源似公者輿台贫贱亦安之人来山县犹须债雨映茅檐但要诗欲詣楼居无逸步要从老手化神奇

访梅二首

起看重雾白漫漫畧见春风在树间傍水出篱犹未快淡烟微雨又青山

幽花堕在石根傍几欲移将近草堂草草一樽聊尔尔跨驴归去月苍凉

呈巩睡翁【丰】

家本汶阳县累世事耕蚕室序既焚荡飘零住江潭防及识故老颇闻乡里谈最盛阳和时梨杏春酣酣岱宗富栢栢孔林存楷檀乡间鼎其中寔号玉檐檐去年拜睡翁知是山堂孙渊流京洛旧尺度欧梅间昨梦返故里有翁作司南俚语驰寄之何以镌防顽

石林

苍苍一林石零散少存者分携多子孙不胜落田野虚堂有天就乃在絶壁下存者宁非真散者亦已假相君从藏山逺客初系马幽玩埋莓苔孤啖坐梧櫬方咏兹游清未敢泥风雅

絶句四首

巾车初扣槿花篱物物来前搃要诗一句坐来摸寫了两鳩飞下老梅枝

纱笼解散坐门畿生怕逢人索接防朝雨洒来山更净春锄恰好到方池

解呼威羽归丹穴可缚单于献汉宫四面八方笼不住许来分坐此山中

隔林八十庞眉叟理竹防泉过一生见説石林身健日把书只在石中行

客中

客中时序又忽忽孤坐初春小雨中防水攀松去年事令人忆杀洞霄宫

山乐官

山乐官尔谁魂逃河入海俱奔奔伶伦梨园何可论山乐官予欲尔兮无言如有言为余歌云
门

乌媒

一自弋者篡冥飞亦云多庖牺网未收同类如予何已噤伐斧篇去去依女萝

和礪泉賦山楹

共惟古至人用意事物表一丘漫摧殘八極自圍繞不勞日月運坐見歲時了魯夢人不作楚賦那邊曉既煩匠氏來誰謂此山小云衣方分敷雪干夏天矯沐浴抱歸藏樂甚忧悄悄

重經洞霄

曩既負幽討今敢萌遐心扶桑下陽馭磐磐浮空林琮台 誅蕩藥佩栖高深屢見仙驥舞遙聆 女吟如遂觀开辟那復忧崎 抱关職貴重啓閉非所任靈飈掣虬戶同此琅琅音愿并翠綃水寫之朱絲琴

大淩洞

嵌空才入泉濈濈隔凡倒懸若錐立道士云是閭丘公入向華陽便門出

岸帻

岸帻坐亭皋休嗟命不遭通幽文似呪招隱句如騷日下桃花熱風低鶴背高眞遊窮不盡只是酌芳醪

翠蛟亭

禹驅龍蛇不驅蛟依然踰此小之 有時淵停忽奔放如負山走如玉跑昔時萃渭正如此咨爾來者無空嘲

寄題館娃即靈嶺寺

突兀僧藍是館娃屨廊猶自隱晴霞清明但長離宮草精魄應栖野寺花白苧黃焦迷鶴市紫蘭綠芷屬漁家思量種蠡成何事空使君王式怒蛙

小寒食

從來寒食多風雨不料窮鄉亦管弦壯歲心情悲乍夢異鄉時序感流年偶隨遊子來溪上因與棠梨立路邊從此堪悲轉憔悴隨羣同上釣魚船

五月五日至京口

囘囘望秦淮出語重煩喋凱風初酸辛靈雨更淒切疇昔之所經望見心已折粵從世態換轉見凡事別縉錢換仍艱旅飯雜砂屑坊市半頽毀物貨僅羅列鳴鳳斯不聞遺沴猶慘烈凌晨

转时序涂路已入浙京清虽快人忍作昌歎节身本无瑕疵反被防口讪徊翔就师友庶几免
磨灭清旷虽未能 畅差可悦如其守防言予将俟来哲

赠苏召叟

句容县古寺壁有道 笔晃晃纓络躯 烟雾质一堵最光怪朱泥从堙鬱泥去墨亦尽惨
淡意都失恨不还其人加巾急鞭扶毁弃加弗敬请论如汉律罗汉院塔影颠倒难致诘稗书
致海翻此理殊未必今君所归路正向此中出况有吊古才仰天痛呼屈勿称荒唐言析理资
按述其余传播咏淋漓满箱帙栖霞者悲壮茅洞者清逸珍题悦相命当第为甲乙

半山寺

野芳汀芷互幽妍相国风流亦未传袞冕尘埃半山寺自相撑住过年年

跋钟山赋二首

丁年寫了钟山赋举向禅宫入定僧僧却为余言未好扶行同谒晋诸陵

往在秦淮问六朝江楼祇有女吹箫昭阳太极无行路歲歲鷺黄上柳条

过鳳山有感二首

当年準拟作家林溪墅楼居意已深隱者自应寻别业鳳兮何肯负初心参差一段囊中玉激
烈三更月下吟若不速来相就饭定应从此失知音

秋芜阙是草堂基惟有南林尽得知辛苦置家将守冢告求广地要穿池净莲已付乡僧掘慈
竹从教墓客移虽向龙湾作耆旧此生寧没暂来时

絕句二首

皋伯通家 夕晖八年寒食尽归期江乡橘柚花如雪不许离人戴一枝

入春便与僧为友紫萼黄英见坐禅昨日邻翁催入社谢他只是說无钱

辛未九月晦日

遗体只母身哀哀弗重陈一貽泉壤忧两见霜露晨繁霜与重露涂抹随荆榛身即未殒灭强
与松柏春遂于摇落中见此天地仁 鸟已辞社蓐收方降莘拭泪声秋旻何由酬艰辛

闲居日有幽事戏作

竹暗僧窥户萍寒鹤上防壁悬陈处士屏贴少微星
奎璧为蔬圃埋盆学蓼汀自知痴得计常用醉为醒
野客兼称仆幽禽代作伶浴鳧翻落磻鬪雀堕空庭
筭数推三甲防身召一丁案头松叶响墙角柚花馨
梵 堆书笈醪罌隱粟甌茅茨隱烟雨鸡犬也忘形

苦锥歌寄礪泉

我园秋果枝累累缥青绀黄使相持役夫牧人记注之所佳尚者惟苦锥
苦锥两株结防密追惟丈人语天出遂欲供之作筵实他往返舍百无一乃被猿狙打都毕摧藏睢盱以自佚季冬初旬日協吉寒风急霰俱冽栗自慙曩者信已失作歌献焉效诙谑

腊月八夜雨

愁云欲雪未成雪忽闻寒雨夜淋浪但知歲月墮寂寞不悟乾坤发艷阳天黑鬼车声更大夜阑客枕夢却长明朝起篱砌下看草芽浥浥又回黄

送礪泉

一自接道谊形容生辉光束情谢流宕捧咏增慚惶矫足时切關云海何顏唐长安卖药市堊堊十载强复綴守藏史得近中书堂心计常自珍孰云失其防稽首谢众去酌酒相扶将融风促綠防代对日夜忙石涧流自涌玉山禾欲长安得便奋飞相从决高翔

送薛子舒

龙泉饥语余便使借舡居津吏方抽木官人但载书朝通白矸石身近碧京鱼一卷新文就臯禽亦自如

晚菊

亭亭砌下黄金花霜后顏色如矜夸 英摧挫百卉尽独自照耀山人家湘累晨餐不论数千歲高丘恐无女君不见天寶杜陵翁晚节尝为少年侮

诵哀江南赋

高桥沙水涸防城蔓草纏下有烦冤人诵此危苦篇我生楚臣后身在江枫前但见去魂遠不见归魂还惟吾爱好词细碎穷注笺中间多佚事他书亦不传极欲补阙漏今方长弃捐重效嘈囂声庶几与周旋

简正字南仲

白髮梁鴻隨暮猿不辭引領望兄門
人無清夢相追逐今喜遺經為討論
數葉赤楓明客路一畦黃薤憶家園
著書不就身何用每見飛塵恨滿軒

重游栖霞

林麓已盡虎不見迺來流民所蹂踐
殘僧自言昔遭變藏經埋像尤可嘆
流泉鳴悲雨摧殿滿嶺慈相沙汰湮
白盛綴粘或壞面慧命勿絕如防線
況我忧患經歷遍見此悲酸尚兢戰
千聲萬聲走門閉門外秋花泣余

出溪

二月天景佳波清見佳蝦望中何所好
溪女摘苹花淺淺猶可涉素手花似雪
隔港聞謳聲風來正相接

过旧居遇邻家子述懷

憶昔玉屑時最感鄰媼嫂剪羅作髮鬢
添玳綴紋襖今回遇孫枝面墨體枯槁
念彼舊宅凶災衅失依保此生未還役
況復念家道冷節返鄉間江路見芳草
奪恃罹荒飢連歲愁浩浩流離在山縣
只有泉水好野櫻聚紫玫弄晴日杲半
為烏雀盜半被奴婢討佰弼必盡防盤
釘如拱寶坐荐一錢春便足舒遠抱

正字南仲祭詩

昭陽作噩冬愁云凝上蒼我墮谿谷底
鹵莽聞公喪哲人困中壽頗謂告者狂
繼執邸吏符蹕蹢抽肝腸又聞斂魂魄
玉色貌愈強環泣甚危苦精氣都不揚
一朝委垢地千歲還天常我帶謝成均
射防何巍昂連踐中秘書檢校四庫藏
象緯識校尉篇編嘉議郎麟游夜閣黑
鳳去晨霄黃惟初典郡學吐血謗可傷
積垒高于山黨獻空銷亡故老鮮噓枯
新人工絕吭灼灼藻火衣可使綻作裳
竟罷奉面對射防裨君王愧負臨軒思
穹林摧棟梁往者流傳誣聖賢失隄防
頽裂在眼前淒愴遙相望二紀獲敬事
實亞衿佩行常竊季弟稱朽穉敢自將
束教濡雨露采擷參差香雖罹顛沛忧
夢寐敢自忘翻思說待對按述何微茫
嗟此盛壯時傾耳殊忽忙但覺異香濁
安知為死生髮栴逮細碎羅列置篋箱
前年日重九西歸旧台城防索新句咏
拳縮紙半張卷頭七字吟持以獻我兄
稱許極銖兩逢人便增評出示玃雒防
文字逾西京鼎器寫饕餮肉翅兩自長
欵曲弥日留振刷家苑翔池水正清潔
碩果乱纵横斯時惜晚暮袂歌秋陽徐
步引升榭如訴后別殞命之返里庠憑
籍蜚晚英讀書与析理旦旦拘限程尔
搜高礪微乙亥事頗詳謹弗摹巷記眎
此小傳成亦弗痛揀擇因筆為文章倚
擢望江浦披榛穿翳荒掎击祛兎野鄉
去始甯更警防入心腹陡謂千驪輕誰
子料承應才開一籥贏勅厨具节饌髣
髣糕菊芳終席岌飛動漏下滿鼓鐙划
見睽孤占覲覲拖晶荧姬孔情可測一
身行自当日斜亡集

舍 跪亡妖祥国典嗇左丘地下收回商师门锡休谏恸哭发幽荣 抱倏怊怅薛譔方施行
茂洪既□綴彷彿日月光门户变化从咫尺未可量贫疾裹祭缓偶然值清明雨寒送防来素
筵见亲情熟食侑介推覆柅嗥后皇谅此心靡他庶几下歆飧

吊友人朱子大【竊居越上其屋为势家所有】

与君昔并丹阳船形容惘怆俱可怜自說宅囿及百年藏三小山出云烟土伯小庙自题扁持
照清池分丑妍吁嗟先君方下世侄子卖半相妙煎出寻方伯待救防与我密者才万钱是身
灾疾恐凋谢语未脱口呼皇天那知今君亦游川洪崖白石梦杳然竟从他姓改受防呜呼朱
君无归路归来但见空屋椽入抱山骨于黄泉

挽正字南仲四首

千古应无恨诸公竟不能要令参溟滓端合罢飞腾白草伤麟野苍山下马陵有儿持手泽泪
落照书灯卷舌空沉彩芸香亦蠹贤几时噫鳳沼一旦感龙泉遠播雕题外高垂若木邊煎胶
嗟不及遺碣暝台悬珠璧方辉耀菁花未寂寥极知身作崇何用食为妖牺象收儒庙箫笳咽
市桥伤心纱防冷三径雨潇潇一自初闻报哀号向草堂相随只儿子遠和有山獐土沃幽宫
揅灰凝奠酒香孤身挥泣尽松柏便萎黄

行歌四首

雪压门外土骨堆一番两番春始回归来但见邻舍换老树红花如死灰商量千古有何事经
营八紘非汝才乘除幻变既如此何不快呼鸚鵡柸

天防天防光照户反舌转枝啼更怒九霄誅蕩帝座高老我此身无告诉舍傍种园翁作邻一
方泉兮在中庭齐民书在泉有铭誓将团结为林垌

春霏霏兮秋靡靡叹昔赏音人已死堪嗟玉屑綴空条可奈方蕤逐流水融怡艳冶恨欲销世
间风雨何寂寥有谁肯为吹莊箫往和蟋蟀谐防鸞

先秦古书世已稀国风雅颂声又微彼美人兮在天路马蜷局兮将安归古人所懷已汨汨今
人所懷已忽忽我亦东西南北人相逢且尽杯中物

遣兴

山中雨更愁不是弃吾州懷母未能去诉邻谁肯留茶人穷似虱药户狭于舟一礪多深碧嘲
吟尚自由

孤山桃花二首

天山仙人休掷火尘中道士莫烧香可怜绛雪浑无頼一簇千枝对草堂
莫向蓬蒿恨不遭梦魂曾钓海山鳌当时不合轻仙事惆怅灵风满碧桃

送人之武夷二首

精舍人归入内台遗基处处有芳埃小儒更合修壶史利落干鱼説水苔
终向名山度此生此生吟骨要猿擎洞宫终与人间别六六风高削紫琼

秋晦有懷南仲正字

懷人几日恶况复值秋陰天亦容清调人难识素心他乡谁馈肉永夜只聽琴高咏龙泉碣相
从发至音

赠孤山道士二首

九霄象简手中擎岂是闲人爱列卿洞里石田春漠漠有田多与种黄精
清秋古洞无猿啸自觉寻行幽意微处士桥邊增怅望几回沽酒对斜晖

送人之桐栢

半溪松黄堆碧波狂夫于此欲如何洞天春晚归不得司马悔桥芳草多

送髯高谒方严

客舍窘积雨出门今始晴药苗随野饭燕子看山行大道白日晚闲汀緑芷生方严相见了为
谢草堂兄

方泉诗集卷四

宋 周文璞 撰

瞿塘神君歌

黄衫纱防佳少年炯然饿虎穷山渊不居秦鹿祖龙畔却走碧鸡金马边左手斜执巨灵凿右手敬抱禹贡篇离堆顺流已受命一下不打天吴鞭有时挟弹暮云表有时蹴鞠春风前有时却自着绛帕走入药市寻神仙为人定似李太白学道定似葛稚川孙翁走避 崖叟遣仆送画不取钱神君庙食与画像千古万古当流传我昔梦上神君殿偶值蓬莱众真晏洛阳开尽姚黄花铜駝陌上难相见

清明日书事

苍弁一如楚执珪思想越吟身自低涧水又如古智士纵横流转多滑稽杂花半开已倏落如怨旷女离深闺幽禽自呼复相命如遣逐魄伤穷栖而我自是不羁者行行踏破青萋萋今回荡桨苕霅溪与野老辈相扶携园池亭墅遊歷遍自对蜀锦倾偏题兴阑径走归茅舍同沃浮蚁烹村鸡百五之后最寥閴独过赵湾西更西野夫不知时节晚但要熟醉如春泥

云根

云从防稽生旦旦见伯禹聽读山海经成龙不成虎禹命云归与可向戢山去昂昂王内史眉宇照今古常在此盘旋深藏无处所王孙江海人云根自栖翥招游玉叶来以石为伴侣既从衣上浮只就茶里煮不入晋家池肯作秦望雨两儒一支郎不学世间语吴侬哦五字坎 酸澁苦并送山中人约束云下取

聽琴

向人欲抱舜文 可惜书生不值钱弹出履霜空作恶一林风露已鸣蝉

寄友人

流落他乡铍羽翰半年寧复记悲欢夜传楼鼓思城角朝见江船念客鞍不恨形骸老闾里遂令唇舌满长安寄声好在文章友目送春云自倚栏

雨

雨意遽如许云容亦可怜声声搥肠断滴滴更匀圆道院烧香地山房焙薜天故园无恙否润色到 田

陰山

陰山祠下月如霜不为吟园防杀肠折得灯花无处赏带枝分与棹船郎

新亭

诸君收泪已无言烟外中原草色昏老子归来坐廊庙短辕车上欲消魂

法寶寺

细竹千竿殿影斜龙顏曾此着袈裟寺楼杳杳钟声度疑有宫娥出晚花

戒坛

相君孙女小乘僧身入祇园佛律行三级戒坛秋色冷个中蝼蚁亦长生

桓野王画像

匡床三弄清溪 叹息欷歔太极箏惆悵斯人风味減江花江草不胜情

玉晨观二首

野笋冲泉出山花避石开余方有公事不为等闲来羽扇临 寺霓衣上醺坛九枝松叶冷千叶杏花残

寒食有感三首

生平参道术师事大茅翁持钥开金匱焚香立玉童黃麟来地上朱鯉出江中今在桁楊畔依依睡晚风清明好时节傲吏小诗家失意因流水伤心为落花人归知市静日落见山斜明日三叉路村醪亦自佳亭午步江皋谁云命不遭爰风吹蛺蝶怕雨烂櫻桃鑽火烹新乳槌門覓小槽今年奇事少尘满旧征袍

桂

偶向花邊立悬知病已瘳小山今夜月团树满庭秋清露霑丛底斜河在上头须臾香更好还与碧云浮

自笑

自笑萧条甚微吟坐到昏江风来扫地山鸟见开门茶面龙头缩花梢犊鼻温一从杯酒少不复过深村

橋李道中二首

吹彻鸞笙醉碧桃古城斜石冷轻舫此行意着经行处綠树黄桑一樣高

卧龙山下聽吟松细雨清明似梦中柳防朱栏三百尺渴乌犹自泣春风

梅梁歌

文命殿角东北左上有梅梁鐵交鎖传闻旧时枝叶生木质鳞身无不可有时 练离朱拱归带湿萍光欲动低头下吸菲岭泉奋髯直入阳明洞旁观但怪香火浓顷刻即令风雨送尔不见饥乌啄鼓来喂食走入嵩高化为石襪祥祸福傥或是陰阳幻变谁能测玉笥观挂白玉梁含元遗下流血柱异事苟逢博物问后来那得详其故卷丹云凝素雾玉箫九成奠雕俎登歌升降只仰俯呜呼梅梁忽飞去

题边女骑

燕山雪花一尺飞边女结队夜打围海东青过流沙西黄头郎主独自归创残狐兔悬毡车疲鷹犬闻笳悲君不见自从石晋纳书款白沟河湑作邊面

东阳道中

野店梢头起灶烟江云弄色半晴天暗泉绕砌喧人语遠烧侵林照客鞞晚日未牧鸡上树春风欲度鸟耘田布帆无恙归心稳才到家山又迫年

鳳門泉

石根两眼北流泉乳窦潜通御井邊飘出宫花人不识又沿衰草下山泉

赏春二首

满酌黄封都市酒斜簪縹 御园花半酣更乞跳珠水独对风炉自煮茶

赏春社里鼓逢逢尚恨声同调不同我亦明朝苦无事更来吹笛乱山中

春懷

棠梨未落柳丝长斜望幽人作防肠已自不堪田父饮更能重入少年场山连莽莽荒陂白门掩萧萧野日黄想得故园疎雨外樽前催拍杜韦娘

暮雨

暮雨潇潇郎不归樽前谁忆旧歌词望夫乌臼浓于染叶叶惊秋恨欲飞

即事二首

乐使金花鼓蛮衣紫金鞍蕃官船过界驿吏报平安龙防朝元阁鹤栖封禅防中原垂白叟只望羽书来

题尧章新成山堂

早将心事付渔樵若被幽人苦见招多种竹将挑笋吃旋栽松待斫柴烧壁间古画身都碎架上枯琴尾半焦犹有住山穷活计仙经盈卷一村瓢

题罗申之羸纲图

昔日三郎骑尔祖庙食太小可辛苦后来崎岖蜀栈间弃置龙媒复亲汝深山古木雪漫漫险途十步九步艰纲头呪嘱弗损折要尔助军身补官

赠相士丁日宣

张公谓余可神仙薛颠谓余可英杰丁生谓二皆无成世间安有此奇絶麒麟阁上冠貂蝉龙虎鼎中治大丹兴来一笑扫尘障回首已自升云端何如只向松江渡杨柳影邊茅屋住卧看苍虬挟白云卷取秋涛过江去

吊黥卒

吾作穷奇白下囚汝披短褐从吾游蒋侯庙畔沽春酒周处堂邊送客舟械欲破时应日惨命将絶处亦天愁江陵柳大如知此对着官军輒泪流

杨孟博挽词

向来洛下老书生今见诸生更老成不复秀才趋试院已题文学上铭旌泛观今古人亡恨只有英雄命莫争来吊不闻妻子苦依然认作读书声

赠隐者

袁二柳大刘廿八长到先生卜肆邊便拜逸妻为防氏更沽春酒作家筵山公马在何须尔林屋丹成亦偶然独此老身无籍頼为他人掷卦爻钱

剑客行

燕云飞骑着柘黄仁人烈士集太行已闻泣涕拜明诏共挟金舆归大梁安得山人一双剑走入云中看不见人间夜半风雨时郅都首奏延和殿我生四十无所成荆淮好汉为知音丈夫志在仁义耳麟阁貂冠非本心功成剑化两龙去我亦变名入烟雾此时再拜康山人九霄客星在何处

书事

說战犹能聽闻尸不忍过役人愁似鬼病马瘦于駝甚欲参经纬其谁出揣摩中原有遗老亡奈檄书何

见泗州降者

才自降军便守邊大家齐数中兴年姑苏寺里相逢处为尔呻吟一怅然

感兴七言三首

寥寥古意少人传莫为薰琴只五弦夫子纵心方学易我曹何意便谈 神驰洙泗身将老望防沅湘眼欲穿月白风清如此夜阿郎不肯上钩天

在家莫羨出家僧扰扰营营竟未曾相国舟中龙夺剑山人琴畔鬼吹灯从来不肯寻真诀更自无心学大乘汉室诸公鸣玉佩也须还我一枝藤

夜夜推敲学苦吟一如鍛鍊假黄金石间眞隐何时出地下狂防无处寻 鹤尚知长袖舞哀猿空作防肠音故墟杞菊今何似桂落小山春水深

题天童全老

天童寶楼阁铜钉敞朱扉一老烧香后诸禅乞食归天聽涂毒鼓神捧苾芻衣說了村夫偈依然入翠微

送人之金陵

江山不逐寒潮晚陆墓犹含古木春君入台城须访问个中定有六朝人

送逸人归茅洞

三君乘白鹄各在一山椒子去穿茅洞人方采药苗花连云气近松转水程遥想得寻幽侣空歌散午朝

中秋日游能仁北寺两刹

轻云漠漠烟漫漫杖藜扶行不作难无量寿佛像最古未曾有经碑亦残秋花露颜色好客子着雨衣裳单题诗写寄莓苔壁勿使俗人相对看

赠虎丘僧道辉游天台二首

世讚碑文换穹上绿苔琵琶不可听楼阁更堪哀竹动禅僧入梅香冻雀回开函繙内典日晚未归来少小即精勤参禅复着文香熏汩渎像茶斟武丘坟入定山猿见吟诗海鹤闻幽情正迢递又拜石桥云

西湖即事

闲看浮鸥栖曲渚倦随奔鹿上荒陵松门雨过长廊静一架藤花供病僧

宫人斜

魂魄凄凉掩暮尘野花山叶自精神年年中使头边过暗里相看似路人

上强寺

方池流水碧溶溶惆怅灵蛇不易逢门外行人常立看一株唐末半枯松

太湖

太湖我污池茂我林莽橘柚我堆盘鲈鱼我登俎区区为苹花移去溪上住终当赋归欤来此卧烟雨

写怀二首

吾闻唐诸僧往往多人杰有携至崑廊可并防稷契伟哉寒山子拾菜衣百结其文似离骚但自写木叶往时陆荆门自是天下雄徒解散尽何处寻樊翁遂令一世士默默逃虚空至今大堤上叶叶皆春风

九溪十八礮

九溪十八礮冷见漾青苔洗足书僧石临流客放杯案头松叶响身畔野花开百六辞歌吹清遊始一回

吊辨才二首

读了碑文读祭诗冷看遗像立多时郎当岭上生云处山鸟山花忆老师
坡使参寥滴奠茶定将老泪湿云霞谁知走入灵山队又对闲人說法华

西湖小隱

先帝何曾宠幸臣家园籍没几经春一丘赐与婣娟魄教主西湖似洛神

麴坊

麴坊才尽上湖船笑问云山覓酒钱两岸柳丝黄不防不知身在御园邊

寿星寺闻子规二首

子规欲归归未得啼向钱王寿星石月明血尽人不知只怪晓山深似碧
莫向空山恼病僧暮云防殿异乡人多时不识巴江路守着浓花哭过春

分梦泉

偷得两 清同他猿鸟吃上下泉邊身上下床上客相对各相忘山中小花白

隱者居

密竹綠坡便当篱野泉入户自成池床头一卷麻衣易更有寒山拾得诗

逸士坟

魂归魄散两逍遙小小丘亭慰寂寥守墓未须芸宿草白蟾方防紫芝苗

夏日偶题

溪友相呼上钓舟藕花菱叶思悠悠好诗已在前山寺寫放参寥石井头

谢頤师见过

云卷道者方昼睡有僧奚为入桑杞惠然相过穷壑底共谈儒流佛宗防二家之风亦頽靡吹而飏之谁为起寒灰煨芋香透纸呼童就邻一盍米作糜羹菜相料理吾穷于世无比拟殷勤相覓有吾子谩书七字聊送似往共天嫔泣山鬼

望茅山六言三首

羽衣药叟欢迎手执兰花共行从此十年不调可能从视长生

其二

昔年唱采芝歌已老头颅奈何不见飏轮碾处白云出没常多

其三

蒋家兄弟清古著书 相推宗抔土划沙戯剧穿岗度岭从容

寄山中道友三首

玉函捧上五云堆着意通幽此一回三十年来增怅望更无人上望仙防

忽忽山信寄来时中有黄庭七字诗已死华颠无覓处几回吹防玉参差

忆得寻山复出山緑杨时候暮春间至今只有遊仙梦长与松风自往还

初营鳳山

香草参差种幽花逐旋移既添醒酒石须着放生池春在年年好山来处处竒吹箫吾不解长啸却相宜

梅谷

香防云头玉雪身缓行微咏岸乌巾始从谷里看脩竹却向水邊逢丽人客子去时方得月岭猿啼后更无春鳳凰欲下箫声 狼藉瀛州万斛尘

法华小隐

偃盖着地卧清瑶傍渠走散入流觞防转若弄珠藪淙淙不知休还赴石鲸口湾澥合巨涧横
桥傍蒲柳来看暮春余众绿浓似酒摩挲苏陈刻愈觉歲月从寺僧爱光防捧送贵侯有至今
星散居各自开户牖自弃眠云身谁传钓月手夕阳令我归为尔重搔首

既离洞霄遇雨却寄道友

凡骨何堪得再行渴心欲要谒通明惊闻竹树连山雨疑有风雷防地声鹿啖黄精知歲月从人
逢青箬便神清重来只要斋盂饭副似堂堂枸杞羹

题曹武帝削 图

阿瞞 分姿见之垂髻中此心既弗义此道安可洪汉祚既坠地余子方困穷仁义愧自唱歷
数岂不同挟令及宫闕杀士延奴童至今吊古徒哀痛殊未终实以已偏仄遂令彼长雄画图
出后世畧见经营工想其鼎峙势亦天诱其衷此章弗徒歌聊以裨国风

题蔡武伯所藏荆公砚

兽面鼎足奔回 中有润泽比雨露当年曾出富国疏老子平生用心处帝谟商颂周六典刻
画声形劳解诂至今文字与风骚一一相辉 缃素如闻四海失枝梧可憾诸公欠调防谁令
天乎遽如许可是石也能无预陈 同归蒋山路亦使高人野僧覩若为持入定林中应有明
云入天柱吾乡风流蔡夫子匣而藏之美无度君不见公卿后进陆象山作祠堂记余千言直
欲百世俟圣贤惜哉不得铭此砚使我失意心惘然

归別墅

幽栖从不到猿鹤擅藤萝丛篠生将遍流泉咽更多邻翁新釀熟野寺暮钟和亦有经行者来
观依杖歌

早起

佛香才了换儒巾身是人间自在身一路野花清養目半沟流水静怡神

雨宿山中

留连如有情蕙帐极空明晚粥知泉味昏钟度雨声稍容邻叟睡莫放晓猿惊剩欲剜苔薜应
当寫姓名

再遊九溪

昔年九溪十八磡今度见之逾清真静依落落石路晚闲绕寂寂山家春可怜潺湲似留客更觉曲折能随人得得杖藜来尽日野棠山杏亦精神

偶题

海气江声相与浮今时帝里旧杭州西湖寺里多金碧自厌秣华不肯游

送人之官严陵

如君风貌又精神自合拖绅近紫宸平地有心开洞穴十年无俸着闲身已看青舫垂垂去顷忆绯 灏灏春若向 英防下过为言亦是学诗人

与弁山道士饮

采茗归来日未斜更携苦菜入仙家后园同坐枯桐树仰看红桃落涧花

不欺斋【四首皆为陈将军孙作】

陈兄榜名不欺斋不欺本自诚中来晚周洙泗汉伊雒中间此道寒如灰不欺斋中一樽酒兄乎此意差耐久真情往往到僮仆何况亲知与朋友君不见汤脱胡桃一语失自是迂翁年少日陈兄再拜我事毕

望云亭

淑气粲粲接水原须臾鳞合更弥漫自从蒿里无颜色来到钟山有泪痕往者英雄俱雨绝后来哀痛欲河翻夜深月照长松下谁见孤飞出墓门

敬思堂四言

有亭央央高丘之傍父兮母兮坚深埋藏厦屋凄凉宰木成行春秋蒸尝酒浆牛羊身体俯偃虽劳弗彰心志瞽乱虽烦弗 欲求幽阴茫茫洋洋两间四方寔系我肠何以照之明神后皇凡今之人谁同慨伤

陈将军哀词

扞坏城兮保赤子归王所兮执弓矢虽有妻子兮不如兄弟嗟全家兮南向而死防行殿兮卧旗鼓统伍符兮莫余侮故宫芜兮孰为主哀将军兮鬓垂素气力绝兮委尘土后来孤童兮不胜恻楚天阴阴兮春寂寂曰余兄兮有庙食偕友于兮往作配驾铁驷兮载云旆山人兮望余归江颿翔兮花乱飞

吊青溪姑词

青溪之濱有小庙焉相传以为溪神蒋子文之妹也旁二偶人陈叔寶宫人也癸酉歲或言有妖据之郡太守毀三像于溪中而犁其庙彼亡国妃嫔可弃也姑不可弃善恶无别而废者古今不可胜数也何独此哉因感之为吊词曰

投余兮綠波彼土偶兮奈何余魂兮无依余兄兮山阿兄灵兮甚雄青骨兮朱弓称天兮诉余冤讎夫兮不终

水仙庙鼓吹曲四首

水瀟沦兮不扬山嶽岑兮多巨石神来下 春仰昂神遠适王孙的咳神无亟兮

倚碧栢欵铜铺德星在南乌尾逋两峰隱天花深草蒨钱塘十余万户皆看史君欢娱虽涉流沙歷炎都入医无间不如东吳

龙飞天门鸡鸣日观湖州有鹤知夜半端冕纓绛车施幘瞻彼孤山男呼女怨欲裂冕毀车春荣秋苦无翁愁予

云冥冥雷阗阗横玉转流珠干灵 入我梦谓君当旋既穷海壖之炎天当饮山中之流泉

招魂

天孙召魂鬼伯催促千歲之淵不为谷嶻嵒既刊松柏桓桓曰惟君之防于兹考槃其永安君初成余以归藏筮之盖如此也呜呼休哉